

Ֆերեկոյիս ի Սուրբ Նիկողոս գնացի եւ անտի ի Մղտե-
սոնցն եւ անտի ի տուն. եկեալ էր Սամուէլն եւ հօր-
քուրն Ողիտայիւն:

Առաւօտուս Կիրակի (27 Ապրիլ) ի մեր ժամն գնա-
ցաք և կնքեցին զտղան մեր՝ Կուսմիտաս անուանեալ,
եւ զԵղիսաբեթի տղան՝ Յարութիւն անուանեալ: Եւ
յետ արձակմանն տեսաք որ էսիլի թոռ կոչեցեալն
մարդ ժողովէր, եւ նոյնքն էին որ նման էին իւր՝
Թըլթըլ եւ Պարմասուզն, Պունեաթն եւ զՎարդանն
առեալ եւ ի Սուրբ Նիկողոս գնացեալ: Եւ ես ելեալ
գնացի ի Մղտեսոնցն և անտի ելեալ գնացաք ի Սուրբ
Նիկողոս. եւ տեսաք զի գեռ եւս եկեալ նստեալ էին
ի յեկեղեցին Թագէոս¹⁾ վարդապետն առաջնորդ Սուրբ
Վարապետի եւ Ղայսերցի Խաչատուր եպիսկոպոսն,
Մարտիրոս վարդապետն Երուսաղէմացի եւ Ղազար
վարդապետն Ըստամպուլցի, եւ նստեալ էին քահա-
նայք ընդ նոսա եւ Զ եկեղեցոյ իշխանք եւ աթոռա-
կալք և երեսփոխանք, ևս յիսկիւտարու քահանայք
և ժողովուրդք. եւ ասացին թէ Այլ մարդ կա՞յ գա-
լոյ, եւ Զէ՛ ասացին. եւ կանգեալ էին յառաջ եւ յե-
տոյ, յաջմէ եւ յահեկէ ի հեռաստանէ, լցեալ զեկե-
ղեցին ժողովրդով, տեսանել թէ զի՛նչ լիցի: Բանա-
դրեցին զէսիւն և զԹըլթըլն և զՂաթըր խօրօզին:

Բշի (28 Ապրիլ) առաւօտուս գնացաք ի ժամ եւ
անտի ի տուն եւ կերաք զհաց ընդ եկեղոցն եւ ելեալ
գնացին եւ ես գնացի ի խանութ: Ի գէպ յետնուցս մի
ձայն ելաւ թէ Զուկան փակեցին, եւ իմացեալ մեր
վասն որոյ է, ասացին՝ Յէնկիւէրին եւ սպահին մի ե-
ղեալ և գնացեալ ի յԱթմէյտանն և մարդ ուղարկեալ
առ թագաւորն թէ Հրաման տո՛ւր որ ի վերայ Սէյտի
Ահմէտին սէֆէր երթանք, քանզի յայն կողմն կին մեր

1) Թաթէոս.